

www.BibleForChildren.org

San Mateo 8



Mbapi ara rupi penti cuimbae umenda cuñatai ndive Caná Galilea pegua pe, jare Jesús ichi joco pe oĩ. Jare uparea reta vi Jesús jare jemimboe reta pe.



Vino opa ma yave, Jesús ichi jei Jesús pe: —Opa ma vino. Jayave Jesús ichi jei joco pe uyeyocui vae reta pe: —Piyapo umimbeuta peve vae.



Jesús jei tembiocui reta pe: —Pemitínee cavi iru guasu reta i pe. Jayave jae reta umitínee cavi. Jesús jei chupe reta: —Añave piñoẽ peraa peruvicha pe. Jayave jucuarãi uyapo reta.



Uyeyocui vae reta juvicha jou jocua i vinorã uyeyapo vae. Jae uicuaa'ã quía güi ra ou jocua jou vae, ãrei jembiocui reta uicuaa catu quía güi co oñoẽ. Jayave mburuvicha ueni cuimbae umenda vae.



—Opaete ñru vae reta umee vino icavi vae mboupa
reta pe. Jayave jeta vino jou yave ramo umee chupe
reta vino icavi nunga mbae
vae —jei chupe—. Ërei
nde añave ramo nemee
vino icavi ete vae —jei.




Jesús cua uyapo Caná Galilea pegua pe. Cuarãi Jesús umbipi uicuaaca jemimboe reta pe jae imbaepuere tuicha ete co. Jare cua uyapo vae jeco pegua jemimboe reta güirovia jese.



Jare Jesús uique Pedro jenta pe
yave, uecha Pedro jaicho jacu oĩ
jupa pe.



Jayave Jesús uipisi ipo pe jare jacu upita voi chugüi.
Jayave cuña upña jare umee mbae jou reta vaerã.



Jare guarasi uique ma yave, tenta guasu pegua reta güeru Jesús pe imbaerasi vae reta jare aña oya jese vae reta. Jare jeta joco pegua reta uyembati jocua tenta jonque pe.



Jayave Jesús umbigüera jeta imbaerasi vae reta
ipotave mbaerasi güi, jare umbisiri jeta aña reta oya
jese vae reta güi. Jare umaño'ã aña reta re
uyemingueta vaerã. Echa'ã jae reta uicuaa quía co jae.



Jare opaete vae uipota uyaviqui Jesús. Echa'ã jae güinoi mbaepuere umbigüera vaerã opaete imbaerasi vae reta.




Jayave amocue yugüeru vae reta güeru penti cuimbae imbaerasi vae. Cua cuimbae ipuere mbae omi vae. Uyerevoica ou irundi cuimbae reta pe.



Ërei güeru vae reta ipuere'ã uruique
jocua cuimbae Jesús oĩ vae pe,
uyembiape'ã ye ñugüinoi reta
ramo. Jáeramo uruyupi o
iárambo jare uipea chupe
Jesús jese catu.



Joco pe umbigüeyi jocua cuimbae
ipuere mbae omi vae jupa reve.



Jesús cua uecha yave, uicuaa jae reta gütrovia co
jese, jare jei cuimbae ipuere
mbae omí vae pe:

—Nembaeyoa reta
uyembai ma, cherivi.

—Che jae ndeve:
Epña evoi nderupa,
jare ecua nerenta pe.



Jayave Jesús uyupi chalana pe jare jemimboe reta vi uyupi pipe. Jare ou ivitu tanta uyepeyu, jare i uyembiaparoaroa uique chalana pe, jare umitinee seri ma. Ërei Jesús oque oĩ.



Jayave Jesús jei chupe reta: —¿Maera pa pequiye?
Michi ete co pepurugüirovia —jei. Jayave upña jare
uñeengata ivitu jare ì guasu pe. Jare opaete voi quĩ
ngatu upita. Jare Jesús jemimboe reta
ipiacañi jare jei: —¿Mbae nunga
cuimbae pa cua? Ivitu
jare ì guasu uyapo
jae oyocui vae.



Echa'ã Tumpa uau ete ivi pegua reta.
Jáeramo umee Tai jae vaeño, ipotave
gütrovia jese vae güinoi vaerã tecove
opa mbae vae. Ndarau
oo cañitei pe.



Romanos 3:23 Echa'ã opaete vae iyoa vae reta co. Tumpa ipuere'ã jei penti ave re: “Cua co jae jupi vae.”

Romanos 6:23 Echa'ã mbaeyoa uyapo vae umanota co. Ërei regalo Tumpa umee yandeve yandeYa Cristo Jesús rupi vae tecove opa mbae vae co.

Hebreos 9:27 tvi pegua reta umano, ou uvãe yave ara umano vaerã. Jare umano yave Tumpa uãata co.

Ephesians 2:8,9 Echa'ã Tumpa yanembiasa ipiacavi jeco pegua, yapurugüirovia ramo. Yande yamingana'ã etei yembiasa. Jae co Tumpa umeeiño yandeve vae.

Mbaeti quía ipuere umingana yembiasa ipotave mbaraviqui rupi, agütye vaerã quía ipuere jei: “Cheparaviqui rupi co amingana yembiasa.”



Romanos 10:9,10 Nde ndere yave: “Jesús co jae cheYa”,
jare nderovia yave ndepia pe Tumpa umbijecove ye co
Jesús güeru umanocue vae reta ipite güi, ndiyembiasacata
co.

Echa'ã ndepia pe nderovia yave, ndiyembujupicata co, jare
ndere yave: “Jesús co jae cheYa”, ndiyembiasacata co.

San Juan 3:16,17 Echa'ã Tumpa uau ete ivi pegua reta.
Jáeramo umee Tai jae vaeño, ipotave güirovia jese vae
güinoi vaerã tecove opa mbae vae. Ndarau oo cañitei pe.
Tumpa ombou Tai ivi pe, ivi pegua reta uyembiasaca
vaerã jae jeco pegua. Tai ou'ã uãa vaerã ivi pegua reta.



1 Juan 5:11-13 Jare Tumpa umimbeu yandeve cua: Jae umee yandeve tecove opa mbae vae. Ime ñanoi cua tecove opa mbae vae Tumpa Tai re yarovia ramo. Tumpa Tai güinoi ipia pe vae ime güinoi tecove opa mbae vae. Tumpa Tai güinoi mbae ipia pe vae güinoi'ã tecove opa mbae vae.

Pe reta perovia Tumpa Tai jee re. Jáeramo aicuatía cua peve picuaa vaerã penoi co tecove opa mbae vae.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Guaraní Pe, Western NT (gnw) © 2012, Wycliffe Bible
Translators, Inc. All rights reserved.

<https://www.bible.com/bible/606/MAT.1>

©2025 Bible for Children, Inc.

www.M1914.org

www.bibleforchildren.org

